

lésu Pí Môse khah Úitāi

3 Sóí, tângsiū SiōngChú soántiàu, sèngkiat ê hiaⁿtī chímōe ah, lín ê simsu tiòh chiptiong tī lésu, iā tòh sī hit ūi lán số sêngjīn ê sùchiá kah tōachèsi. ² lésu tui siatlip I ê SiōngChú chīntiong, tú chhinchhiūⁿ Môse tī SiōngChú ê ke chīntiong kângkhoán. ³ lésu engkai pí Môse tit tiòh koh khah tōa ê chunêng, tú chhinchhiūⁿ khí chhù ê lêng pí i số khí ê chhù koh khah chunkùì kângkhoán. ⁴ Inūi múi chit keng chhù lóng sī ū lêng khí chō ê, m̄ koh khí chō bānmih ê sī SiōngChú. ⁵ Môse sī í pòkjīn ê sinhūn, tui SiōngChú ê choanke chīntiong, ūi SiōngChú āu lâi số beh kóng ê tāichì chò kiànchêng. ⁶ Chóng sī, Kitok sī í Kiáⁿ ê sinhūn lâi tīlī SiōngChú ê ke; lán nā tui lán ê òngbāng kianchhī sīnsim kah ióngkhì, lán tòh sī SiōngChú ê ke.

SiōngChú Chúbīn ê Anhioh

⁷ Sóí, tú chiàu Sènglêng số kóng:

Kin'ájit lín nā thiaⁿ tiòh SiōngChú ê siaⁿ,

⁸ tòh m̄ thang ngē lín ê sim,

chhinchhiūⁿ lín ê chósian pōegék ê sí,

tī khòngiá teh chhithàm SiōngChú.

⁹ Lín ê chósian tī khòngiá sìcháp ní,

suijiân ū khòⁿ tiòh Góa ê chokúi,

khiok iûgoân tī hia khógiām Góa, koh chhithàm Góa.

¹⁰ Sóí, Góa bô hoaⁿ hí hit tãi ê lêng;

Góa kóng:

In ê sim tiāⁿtiāⁿ sitbê,

in m̄ bat Góa ê tōlō.

¹¹ Sóí, Góa tī siūkhì tiong chiùchōa kóng:

耶穌比摩西 khah 偉大

3 所以，同受上主選召，聖潔 ê 兄弟姊妹 ah， lín ê 心思 tiòh 集中 tī 耶穌，也 tòh 是 hit 位 咱所承認 ê 使者 kah 大祭司。 ² 耶穌對設立祂 ê 上主盡忠， tú 親像摩西 tī 上主 ê 家盡忠全款。 ³ 耶穌應該比摩西得 tiòh koh khah 大 ê 尊榮， tú 親像起厝 ê 人比伊所起 ê 厝 koh khah 尊貴全 款。 ⁴ 因為每一間厝 lóng 是有人起造 ê， m̄ koh 起造萬物 ê 是上主。 ⁵ 摩西是以僕人 ê 身分，對 上主 ê 全家盡忠，為上主後來所 beh 講 ê tāichì 做見證。 ⁶ 總是，基督是以 Kiáⁿ ê 身分來治理上 主 ê 家；咱若對咱 ê òng 望堅持信心 kah 勇氣， 咱 tòh 是上主 ê 家。

上主子民 ê 安歇

⁷ 所以， tú 照聖靈所講：

今 á 日， lín 若聽 tiòh 上主 ê 聲，

⁸ tòh m̄ thang 硬 lín ê 心，

親像 lín ê 祖先悖逆 ê 時，

tī 曠野 teh 試探上主。

⁹ Lín ê 祖先 tī 曠野四十年，

雖然有看 tiòh 我 ê 作為，

卻猶原 tī hia 考驗我， koh 試探我。

¹⁰ 所以，我無歡喜 hit 代 ê 人；

我講：

In ê 心 tiāⁿtiāⁿ 失迷，

in m̄ bat 我 ê 道路。

¹¹ 所以，我 tī 受氣中 chiùchōa 講：

In choattùi bē tàng chìnjip Góa ê anhiòh.¹²

¹² Hiaⁿtī chímōe ah, lín tiòh kínsīn, biántit lín tióngkan ū lāng sim chūn siâok, m̄ khéng sióngsin, tìsú líkhui éngseng ê SiōngChú. ¹³ Lín tiòh thàn iáu ū “kin’ájit” ê sī, jitjit hōsiong khoànbian, biántit lín tióngkan ū lāng hō chōeok bêhék, soah piàn ngē sim. ¹⁴ Lán nā ittit chhisiú tongchhō ē sīsim ittit kàu lōbóe, lán tòh ē tàng chiāⁿchò Kitok ê tângkang. ¹⁵ Kengtián ánne kóng:

Kin’ájit lín nā thiaⁿ tiòh SiōngChú ê siaⁿ,

tòh m̄ thang ngē lín ê sim,

chhinchiūⁿ lín ê chósian pōegék ê sī.¹³

¹⁶ Thiaⁿ tiòh SiōngChú ê siaⁿ iáu koh pōegék ê sī siáⁿ lāng? Kám m̄ sī hiahê tòe Môse chhut Aigíp ê lāng? ¹⁷ SiōngChú sìcháp nī kú tùi siáⁿlāng siūkhì? Kám m̄ sī hiahê inūi hoānchōe, sí tī khòngiá ê lāng? ¹⁸ Tūliáu hiahê m̄ sūnchióng ê lāng ígōa, SiōngChú kám bat chiùchōa m̄ chún lāng chìnjip l sǝ siúⁿsù ê anhiòh? ¹⁹ Sǝ lán bêngpék, in bē tàng chìnjip anhiòh, sī inūi in m̄ sìn.

In 絕對 bē tàng 進入我 ê 安歇。¹²

¹² 兄弟姊妹 ah, lín tiòh 謹慎, 免得 lín 中間有人心存邪惡, m̄肯相信, 致使離開永生 ê 上主。 ¹³ Lín tiòh 趁 iáu 有「今 á 日」 ê 時, 日日互相勸勉, 免得 lín 中間有人 hō 罪惡迷惑, soah 變硬心。 ¹⁴ 咱若一直持守當初 ê 信心一直到路尾, 咱 tòh ē tàng 成做基督 ê 同工。 ¹⁵ 經典 ánne 講:

今 á 日 lín 若聽 tiòh 上主 ê 聲,

tòh m̄ thang 硬 lín ê 心,

親像 lín ê 祖先悖逆 ê 時。¹³

¹⁶ 聽 tiòh 上主 ê 聲 iáu koh 悖逆 ê 是啥人? Kám m̄ 是 hiahê tòe 摩西出埃及 ê 人? ¹⁷ 上主四十年久對啥人受氣? Kám m̄ 是 hiahê 因為犯罪, 死 tī 曠野 ê 人? ¹⁸ 除了 hiahê m̄ 順從 ê 人以外, 上主 kám bat chiùchōa m̄ 准人進入祂所賞賜 ê 安歇? ¹⁹ 所以咱明白, in bē tàng 進入安歇, 是因為 in m̄ 信。

¹² SPh 95:7~11

¹³ SPh 95:7~8

¹² 詩 95:7-11

¹³ 詩 95:7-8